



Terenga 4: Hōtaka 45 – waihoki, inā rā, inā hoki

He Mihi

Kei ngā kōparapara o ngā wao o ngā whenua tupu, huri i ngā motu, nau mai. Koinei te ngahere o te reo, e ketekete ai te kākā, e koekoe ai te kiore, e kūkū ai te kūkupa. Kua rawa e rere mū mai ki tēnei ngahere. Mai i te karamata o ngā rākau ki ngā pakiaka o te whenua. Me hoihoi ka tika.

Hei Mahi Whakarongo

Hei whakakoikoi i ngā taringa, e whai ake nei te kiriata o te rā. Anei ngā pātai hei whakautu mā koutou:

- 1) He aha te tūranga o Te Wherowhero i roto i tōna iwi i mua i tana tū hei Kīngi?
- 2) He aha te tikanga o tana whakautu – ‘kua tō te rā ki ahau’?
- 3) He aha tā Tāmihana urupare ki tērā?

He Whakamārama

Anei ētehi kīanga hei tūhonohono i ngā kōrero.

Waihoki = ka mutu

Hei āpiti kōrero

Kua tae mai te pahi, waihoki, kua tae tōmua mai.

Kua tae mai te pahi, ka mutu, kua tae tōmua mai.

anō hoki x

Inā rā / inā hoki

Hei whakamārama i te take i puta ai tētehi kōrero.

Me kuhu kotī āpōpō, inā rā, ko te matapae huarere, ka rere te huka.

Haere koe ki mua, inā hoki, i konei koe i mua noa atu i a mātou.

Hei Mahi

Whiriwhirihia te kupu, te kīanga rānei hei tūhono i ngā kōrero e rua.

1. Kainga ō hua whenua, _____, kia māmā te ruinga tote.
2. Ko au hei hoa mōu, _____, māku ā tāua mahi e ārahi.
3. Kua e kōrero pēnā mai, _____, ehara au i te tamariki.
4. Whakatakotohia ō kāri, _____, kia kamakama!
5. Kei konei ō tueke, _____, he nui tonu!
6. Me pōti ki a au, _____, kāore he tangata pono ake i a au i roto i te whare mīere.

Whakautu:

1. waihoki
2. waihoki
3. inā rā / inā hoki
4. waihoki
5. waihoki
6. inā rā / inā hoki